

萬有文庫

第2集七百種
王雲五主編

經義述述聞

(十)
王引之著

商館發行

當代社會學說

(十)

著 素
羅 金
譯 文
黃 山

漢譯世界名著

經義述聞第二十五

春秋穀梁傳六十一條

其志不及事也

隱元年傳禮贈人之母則可贈人之妾則不可君子以其可辭受之其志不及事也引之謹案其志二字與上句文義不屬其疑當爲且形相似而誤也君子以其歸贈非禮以謂也猶謂君子謂其受非禮之贈也以訓爲謂見經傳釋詞魯人可以辭矣今乃不辭而受之故志以示譏而仲子早卒無由追贈又當志其不及事之失故曰君子以其可辭受之且志不及事也唐石經始誤爲其

不貳之也

祭伯來傳曰來者來朝也其弗謂朝何也寰內諸侯非有天子之命不得出會諸侯不正其外交故弗與朝也聘弓鏃矢不出竟場束脩之肉不行竟中有至尊者不貳之也范注曰臣當稟命於君無私朝聘之道疏曰不貳之者言臣當一一稟命無自專之道也引之謹案范注楊疏皆未得傳意貳非專之謂也貳敵也哀七年左傳注玉篇天子聘遣諸侯天子之臣亦聘遣諸侯則是與天子相敵耦相比竝故謂之貳人臣不敢竝於至尊故無外交故曰有至尊者不貳之也郊特牲曰大夫執圭而使所以申信也不敢私

觀所以致敬也。而庭實私覲，何爲乎諸侯之庭？爲人臣者無外交，不敢貳君也。正與此同義，而孔氏正義又誤解爲二心，蓋古訓之湮久矣。

舞夏

五年傳舞夏。范注曰：夏大也。大謂大雉。大雉翟雉，八人爲列，竝執翟雉之羽而舞也。引之謹案：夏蓋五色羽之名也。天官序官夏采。鄭注曰：夏采夏翟羽色。禹貢徐州貢夏翟之羽染人，秋染夏。注曰：染夏者，染五色謂之夏者，其色以夏狄爲飾。禹貢曰：羽畎夏狄，是其總名。其類有六，曰翬，曰搖，曰鬻，曰留，曰希，曰蹲。其毛羽五色皆備成章，是也。舞羽謂之舞夏，則所執之羽備五色可知。樂記曰：五色成文而不亂，蓋謂此也。
鄭注以爲五行辨見禮記失之。鄭注：舞師羽舞，以爲析白羽爲之，翟非一色，不得但云白羽也。

始厲樂矣

尸子曰：舞夏自天子至諸侯，皆用八佾。初獻六羽，始厲樂矣。范注曰：言時諸侯僭侈，皆用八佾。魯於是能自減厲而始用六。穀梁子言其始僭，尸子言其始降，引之謹案，注意非傳意也。穀梁子以諸侯四佾爲正，六佾爲僭。尸子以諸侯八佾爲正，六佾爲厲。僭與厲皆斥其非，非謂魯能革諸侯之僭侈也。厲之言裂也。廣雅云：裂，裁也。裁減八佾爲六佾，故曰始厲樂矣。古厲裂同聲。魯語烈山氏祭法爲厲山氏，是其例也。譏厲樂者，謂其不當減而減也。郭璞注爾雅，乃以厲樂爲作樂，失其指矣。

誅不填服

戰不逐奔。誅不填服。范注曰。來服者。不復填厭之。引之謹案。誅謂殺戮。非特填厭之而已。填讀爲殄。謂殄戮之也。盤庚曰。我乃創殄滅之多方曰。殄戮多方。不殄服猶言不殺降也。作填者。假借字耳。小雅小宛篇。哀我填寡。毛傳曰。填盡也。釋文。填徒典反。爾雅曰。殄盡也。集韻。殄或作填。是其證也。凡從眞從彑之字。說文引詩鄭風。參變如雲。今通詩。參作殄。大雅胡寧寅我以旱。韓詩箋作殄。是其例也。

苞人民

苞人民。毆牛馬曰侵。斬樹木壞宮室曰伐。范注解。苞人民曰制。其人民家大人曰制。與苞義不相近。傳注亦無訓。苞爲制者。范說非也。苞讀爲俘。俘取也。衆經音義卷十三。引賈逵國語註曰。伐國取人曰俘。作苞者。假借字耳。苞古通作包。見經典爾雅。俘取也。漢書賈誼傳。淮陽包陳以南捷之江。晉灼曰。包取也。敍傳。包漢舉信。劉德曰。包取也。苞與俘同訓爲取。而古聲又相近。故字亦相通。說文。擣取也。或作抱。擣訓爲取。而或作抱。猶俘訓爲取。而通作苞也。漢書楚元王傳曰。浮邱伯者。孫卿門人也。鹽鐵論。穀學篇曰。昔李斯與苞邱子俱事荀卿。苞邱卽浮邱。浮之通作苞。猶俘之通作苞也。凡從孚從包之字。古聲相近。故字亦相通。左氏春秋隱八年。公及莒人盟于浮來。公羊毅梁並作包來。管子八觀篇。大凶則衆有遺苞矣。苞卽塗有餓莩之莩。投壺。若。是。者。浮。或。作。車聲。采古文學字。枹擊鼓杖也。禮運明堂位並作桴。桴。覆。車也。王風兔爰篇。作𡇁。庖。廚也。呂氏春秋本味篇。作燔。覆。

或說曰故貶之也

八年無孩卒傳曰無孩之名未有聞焉或曰隱不爵大夫也或說曰故貶之也引之謹案上云或曰則下亦當然不得又稱或說曰也說蓋衍文疏舉或曰至貶之也釋曰就二說之中後或曰是也則或下無說字明矣二年紀子伯莒子盟于密傳或曰紀子伯莒子而與之盟或曰年同爵同故紀子以伯先也成二年六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子手及齊侯戰于鞌傳其日或曰日其戰也或曰日其悉也亦上下皆言或曰是其例也唐石經始衍說字故亦衍文蓋涉四年傳與于弑公故貶之也而衍唐石經有之字宋本以下皆脫故者承上之辭未有不言所以貶之故而但言故貶之者也唐石經始衍故字疏或曰至貶之也當作或曰貶之也蓋楊氏所據本無故字故舉或曰貶之也而釋之傳寫者因上疏標題二百至任也下疏標題周禮至未詳而衍至字耳自宋本已然

電霆也

九年三月癸酉大雨震電傳曰震也電霆也疏曰電卽雷之光霆者霹靂之別名有霆必有電故傳云電霆也引之謹案古人言霆有二義一爲霹靂之別名爾雅疾雷爲霆是也一爲電之別名此傳云電霆也是也易繫辭傳鼓之以雷霆劉獻注曰霆電也震爲雷離爲電衆經音義卷九引孔穎達本作鼓之以雷電是霆卽電也開元占經電占引京房曰凡霆者金餘氣也金者內鏡而外冥又曰霆或中天而見此人君自

以爲明也。又曰：霆或正直而長光明者。此人君行微人不知曲直。又曰：霆或明久而復息者。此人君譏問內直言之事。則謂電爲霆。西漢時猶有此語。故曰電霆也。疏分電與霆爲二失之。

所以治桓也 莒人辭不受治也

引之謹案。說文：討，治也。襄五年左傳：楚人討陳叛故。杜注亦曰：討，治也。討可訓爲治。治亦可訓爲討。桓元年春王穀梁傳曰：桓無王其曰王何也？謹始也。其曰無王何也？桓弟弑兄，臣弑君，天子不能定。諸侯不能救百姓不能去。以爲無王之道，遂可以至焉爾。元年有王，所以治桓也。謂稱王以討桓之罪也。宣四年公伐莒取向。傳曰：伐猶可，取向甚矣。莒人辭不受治也。伐莒義兵也。取向非也。乘義而爲利也。謂魯人討莒。莒人辭不受討也。古者多謂討爲治。哀六年左傳：晉伐鮮虞。治范氏之亂也。謂討范氏之亂也。二十三年傳：齊人取我英邱。君命瑤非敢燿武也。治英邱也。以辭伐罪足矣。謂討齊人取英邱之罪也。

討數日以賂

二年傳：於是爲齊侯陳侯鄭伯討數日以賂。石經討作計。宋十行本以下皆作討。范注：桓旣罪深責大，乃復爲三國討數。至日以責宋賂。各本亦作討。引之謹案：傳文及注討字皆當作計。范注下節曰：桓與諸侯校數功勞，以取宋賂。校亦計也。廣雅曰：計，校也。漢書嚴助傳注曰：校，計也。傳作計。數日以賂，故范云：校數功勞以取宋賂，以注校傳其作計明矣。傳文作計，則注亦作計明矣。釋文出計數二字，云色主反。注同是。

傳文及注皆作計數也。荀子富國篇。貨財與計數。楊注曰。計數。計算也。若作討數。則義不可通。

食正朔也
正是日

三年秋七月壬辰朔日有食之既傳曰言日言朔食正朔也范注楊疏不釋正字引之謹案正當也廣韻正當食正朔也者日之食當月之朔也正之言貞也廣雅云貞當也定四年傳蔡昭公朝於楚有美裘正是日囊瓦求之謂當是日也古人多謂當爲正詳見易正乎凶也下

病

引之謹案鄭注士冠禮曰病猶辱也故凡羞愧者皆曰病桓五年穀梁傳鄭同姓之國也在乎冀州於是不服爲天子病矣言近猶不服遠者可知此誠天子之羞矣莊二年傳公子貴矣師衆矣而敵人之邑公子病矣言以公子帥師僅伐一邑此誠公子之羞矣九年傳十室之邑可以逃難百室之邑可以隱死以千乘之魯而不能存子糾以公爲病矣言千乘之國猶不能免人於難此誠公之羞矣宣二年傳以三軍敵華元華元雖獲不病矣言華元有賢行能得衆心雖師敗身獲不爲羞辱矣襄八年傳人微者也侵淺事也而獲公子公子病矣言公子貴人也因淺事而爲微者所獲則公子羞辱矣哀九年傳取易辭也以師而易取宋病矣言以宋師之重而令鄭以易得之辭言之此鄭之羞也十三年傳取易辭也以師而易取宋病矣言以宋師之重而令鄭以易得之辭言之此宋之羞也由己羞之謂之病爲人羞之亦謂之病

莊二年傳病公子所以譏乎公也。言爲公子羞之也。九年傳外不言取。言取病內也。言爲內羞之也。乃徐邈注襄傳公子病矣。云公子病不任爲將帥。見疏則誤以爲疾病之病。楊氏疏哀傳鄭病矣。云由君不任其才故爲鄭國病患。則誤以爲病患之病。古訓疏而經說遂躡矣。

其不地於紀也附鄭氏釋廢疾

十三年傳其不地於紀也。范注曰春秋戰無不地。卽於紀戰無爲不地也。鄭君曰紀當爲已。謂在魯也。字之誤耳。得在龍門。得字疑地下之戰。迫近故不地。蓋鄭君釋廢疾之說。引之謹案傳凡目魯皆曰我。若隱二年傳也。以國氏者爲其或曰內。若隱元年傳及者何。內爲志焉無言已者。六年蔡人殺陳佗傳曰其不地於蔡也。文義正與此同。蔡也紀也。皆國名也。不得破紀爲己。戰魯龍門者公羊之說。公羊傳曰。何惡乎近。近乎闔。何注曰。今親戰龍門。兵攻城池尤危。故恥之。疏以不地近也。梁之說以從公羊非是。又案鄭君釋何氏廢疾義例詳明然亦不能無失。莊九年公伐齊納糾傳三十二年公子牙卒傳范氏列何鄭之說而不從。鄭昭十二年晉伐鮮虞傳其曰晉狃之也。鄭據厥慤之會。釋何休之難。范云鄭君之說似依左傳未詳。是穀梁意非則亦不信也。今案鄭說違失者不唯此三事而已。莊十八年春王三月日有食之傳不言日不言朔夜食也。何以知其夜食也。曰王者朝日何曰春秋不言月食日者以其無形故闕疑。其夜食何緣書乎。鄭釋之曰朔日日始出其食有虧傷之處未復故知此自以

夜食此及下條。案月掩日而過謂之日食。但蔽其明無所虧傷。安得既出之後。尚有虧傷之處未復乎。僖二十三年傳茲父之不葬失民也。其失民何也。以其不教民戰。則是棄其師也。何曰。所謂教民者習之也。春秋貴偏戰而惡詐戰。宋襄公所以敗於泓者。守禮偏戰也。非不教其民也。鄭釋之曰。教民習戰而不用。是亦不教也。詐戰謂不期也。既期矣。當觀敵爲策。倍則攻。敵則戰。少則守。今宋襄公于泓之戰違之。又不用其臣之謀。而敗案傳謂以不教民戰。非謂教而不用也。不觀敵爲策。又不用其臣之謀。義在戰于泓傳。非此傳不葬之義也。襄三十年蔡世子般弑其君固傳曰其不日子奪父政。是謂夷之何曰。蔡世子班弑其君固不日謂之夷。楚世子商臣弑其君何以反書日邪。鄭釋之曰。商臣弑父日之嫌夷狄無禮罪輕也。今蔡中國而又弑父故不日之。若夷狄不足責見疏。案楚夷狄也。夷狄不足責便不日。則楚世子商臣弑其君亦當不日矣。此說之不可通者也。哀六年齊陽生入於齊傳陽生其以國氏何也。取國于荼也。何曰。穀梁以爲國氏者。取國於荼。齊小白又不取國于子糾。無乃近自相反乎。鄭釋之曰。子糾宜立而小白篡之。非受國於子糾。則將誰乎。見注案子糾未得入於齊。則國非其國也。豈得云受國於子糾乎。以爲唯未易災之餘而嘗可也。志不敬也。

十四年秋八月壬申御廩災乙亥嘗傳曰。御廩之災不志。此其志何也。以爲唯未易災之餘而嘗可也。志不敬也。下文曰。何用見其未易災之餘而嘗也。曰。甸粟而內之三宮。三宮米而藏之御廩。夫嘗必有兼旬

之事焉。傳言兼句者。對下文壬申至乙亥不及旬而言。故范注曰。夫人親春是兼旬之事。今本正文及注內旬字皆作甸。乃涉上文甸字而誤。楊疏曰。兼甸之事者。納粟者甸師。而作甸。釋文曰。甸如字。十日爲甸。一本作甸。今據以訂正。壬申御廩災。乙亥嘗以爲未易災之餘而嘗也。家大人曰。傳言以爲未易災之餘而嘗者。火焚之餘米不可以奉宗廟。必易之而後可易之。則甸粟而納之三宮。三宮米而藏之御廩。其事非兼旬不能辦。今壬申災而乙亥嘗相距不過三日。則是未易灾之餘而嘗也。上言以爲唯未易灾之餘而嘗可也。志不敬也者。唯與雖古字通。言魯人不易其災之餘而嘗者。其意若曰。雖未易灾之餘而嘗可也。則不敬莫大乎是。故書之曰。壬申御廩災。乙亥嘗。所以志不敬也。徐邈讀可也。絕句志不敬也。自爲句。正與傳意相合。桓八年傳曰。烝冬事也。春夏興之。饋祀也。志不敬也。文十三年傳曰。爲社稷之主。而先君之廟壞極稱之。志不敬也。哀元年傳曰。鼷鼠食郊牛角。改卜牛。志不敬也。皆其明證矣。范寧乃用鄭嗣之說。讀可也。志爲句。而釋之曰。唯以未易灾之餘而嘗。然後可。志也。揆之文義。甚爲不安。皆由不知唯爲雖之借字。故字義失而句讀亦舛矣。少儀雖有君賜雜記。雖三年之喪可也。鄭注竝曰。雖或爲唯。表記唯天子受命於天。注曰。唯當爲雖。荀子性惡篇曰。今以仁義法正爲固無可知可能之理耶。然則唯禹不知仁義法正。不能仁義法正也。楊倞注。唯讀爲雖。秦策曰。弊邑之王所甚說者。無大大王。唯儀之所甚願爲臣者。亦無大大王。弊邑之王所甚憎者。無先齊王。唯儀之所甚憎者。亦無先齊王。史記張儀傳。唯皆作雖。史記汲黯傳。宏湯深心疾黯。唯天子亦不說也。漢書唯作雖。

漢書揚雄傳解謂唯其人之贍知哉亦會其時之可爲也文選唯作雖又大戴禮虞戴德篇曰君以聞之唯某無以更也墨子尙同篇曰唯欲毋與我同將不可得也荀子大略篇曰天下之人唯各持意哉然而有所共予也趙策曰君唯釋虛僞疾文信猶且知之也史記范睢傳曰須賈問曰孺子豈有客習於相君者哉范睢曰主人翁習知之唯睢亦得謁司馬相如傳曰相如使時蜀長老多言通西南夷不爲用唯大臣亦以爲然此皆古書借唯爲雖之證

十八年春王正月

范注曰此年書王以王法終治桓之事引之謹案桓元年春王正月傳曰桓無王其曰王何也謹始也其曰無王何也桓弟弑兄臣弑君天子不能定諸侯不能救百姓不能去以爲無王之道遂可以至焉爾元年有王所以治桓也二年春王正月戊申宋督弑其君與夷傳曰桓無王其曰王何也正與夷之卒也十年春王正月庚申曹伯終生卒傳曰桓無王其曰王何也正終生之卒也皆言書王之故而於是年獨無傳則是年經文無王字與書王者不同故不發傳也三年春正月不書王遂不發傳是其例也范所見本已增王字故云以王法終治桓之事案傳言元年有王而不及末年則末年不書王與元年異可知否則桓無王而書王傳不應無說也

始人之也

莊元年夫人孫于齊傳曰孫之爲言猶孫也諱奔也接練時錄母之變始人之也范注曰夫人初與桓俱

如齊今又書者於練時感夫人不與祭故始以人道錄之家大人曰傳言錄者閔錄之也

漢書賈捐之傳閔錄義見下

數爲邊害亦謂閔錄也

人之者仁之也

仲尼燕居郊社之禮所以仁鬼神也

猶存也墨子經說篇曰仁愛也鄭注曰仁

並相親也義謂於練時閔錄夫人之不與祭於是始仁之也公羊傳曰夫人固在齊矣其言孫于齊何念母

鄭注中庸曰人也讀如相人偶之人漢時謂相親爲人偶人更進得佐酒前上時人偶之檜風匪風箋曰人偶能割

亨者人偶能輔周道治民者聘禮注

以相人偶爲敬也以人意相存偶之言改之令據聘禮疏訂正注表記

曰人也謂施以人恩也則人與仁同義公羊春秋成十六年晉人執季孫行父舍之於招邱傳曰執未有

言舍之者此其言舍之何仁之也曰在招邱悌矣何注曰悌悲也仁之者若曰在招邱可悲矣閔錄之辭

表記注引公羊傳仁之作人之是其明證也仁與人義相通故字亦相通繫辭傳何以守位曰人

王肅本作仁大戴禮曾子立事篇徵其所愛親可以知其人矣墨子非命篇命者非人者之言也呂氏春秋論人篇哀之以驗其人

人並與仁同漢韓勑造孔廟禮器碑四方十仁聞君風耀士仁與士人同

躬君

躬君弑於齊使之主婚姻與齊爲禮其義固不可受也引之謹案躬君弑於齊當作君躬弑於齊范注曰魯桓親見殺於齊魯桓釋君字親見殺於齊釋躬弑於齊四字則范所據本作君躬弑於齊明甚而釋文

出君弑二字則唐初君字已誤倒於躬字之下不始於石經矣或曰釋文當本作躬弑後人以已誤之傳文改之也

稱人以殺大夫

九年春齊人殺無知傳曰稱人以殺大夫殺有罪也家大人曰大夫二字涉上下文而衍隱四年衛人殺祝吁於濮傳曰稱人以殺殺有罪也與此文同一例則不當有大夫二字明矣僖七年鄭殺其大夫申侯彼是君殺大夫故申傳曰國以殺大夫殺無此不當言殺大夫自唐石經始有之而各本遂沿其誤僖七年疏引此無大夫二字

宋萬之獲也

十一年傳內事不言戰舉其大者其日成敗之也宋萬之獲也引之謹案傳謂宋萬爲公所獲也獲上不當有之字蓋涉上文釋蔡侯之獲也而衍疏舉傳文作宋萬之獲也則唐初已衍之字不始於石經矣如往月致月

二十二年傳公如句往時正也致月故也如往月致月有懼焉爾引之謹案下如字蓋衍公如乃統下之辭故范注曰陳公行例則下文但分言往與致不須更言如矣定八年傳公如句往時致月危致也往月致時危往也往月致月惡之也往月上亦無如字唐石經始誤衍

天子諸侯勳異

二十三年秋丹桓宮楹傳曰禮天子諸侯黝堊大夫倉士駁丹楹非禮也或曰太平御覽卷一百八十七引穀梁傳作天子丹諸侯黝堊傳意言魯僭用天子之禮故下云丹楹非禮也若天子諸侯同黝堊傳何用述此禮御覽所引本是引之謹案此說非也傳意以黝堊倉駁皆禮之所有而丹楹則禮之所無故云非禮非謂其僭用天子之禮也下文刻桓宮桷傳曰禮天子之桷斲之翦之加密石焉諸侯之桷斲之翦之大夫斲之士斲木刻桷非正也亦以刻桷非禮之所有故云非正非謂其僭天子也左氏公羊皆云不刻故云非禮也• 楢諸侯之禮固有與天子同者若禮器天子諸侯臺門天子諸侯之尊廢禁之屬是也唐石經及各本作天子諸侯黝堊皆不誤御覽居處部十五引作天子丹諸侯黝堊丹字乃涉上下文丹楹而衍左傳正義北堂書鈔禮部八白帖六十七所引竝與今本同又廣雅釋宮云天子諸侯廟黝堊卿大夫蒼士駁卽用此傳之文故知今本之非誤

三鼓三兵

二十四年傳天子救日置五麾陳五兵五鼓諸侯置三麾陳三鼓三兵家大人曰陳三鼓三兵本作陳三兵三鼓與上文文同一例唐石經兵鼓二字互誤而各本皆從之北堂書鈔武功部八太平御覽天部四兵部七十二開元占經日占六引此竝作陳三兵三鼓
卿大夫蒼士駁卽用此傳之文故知今本之非誤

倚諸桓也

三十一年築臺於秦傳或曰倚諸桓也桓外無諸侯之變內無國事越千里之險北伐山戎爲燕辟地魯外無諸侯之變內無國事一年罷民三時虞山林藪澤之利惡內也范注曰譏公依倚齊桓而與桓行異引之謹案范謂與桓行異是也而謂依倚齊桓則未達倚字之義倚讀爲奇奇異也奇諸桓者異於桓也異於桓者桓與魯莊皆外無諸侯之變內無國事而一則越千里之險北伐山戎爲燕辟地一則一年罷民三時虞山林藪澤之利異莫甚於此矣故春秋書其異於桓者以譏焉王逸注九章云奇異也古字倚與奇通易說卦傳參天兩地而倚數蜀才本倚作奇春官大祝寄操杜子春曰奇讀倚十三年穀梁傳匹馬倚輪無反者釋文倚居宜反卽奇輪也字或作杜子春曰奇讀崎莊子大宗師篇敢問崎人曰崎人者崎於人而侔於天釋文崎李其宜反云奇異也崎於人而侔於天謂異於人而同於天也天下篇南方有倚人焉釋文倚本或作崎同紀宜反李云異也然則倚諸桓者猶云崎於桓耳荀子天論篇墨子有見於齊無見於崎楊注曰崎謂不齊也齊桓魯莊之行不齊如是以謂之崎焉古字多假借後人失其讀耳

諸侯不得專封諸侯

僖二年傳說城楚邱曰其不言衛之遷焉何也不與齊侯專封也其言城之者專辭也故非天子不得專封諸侯諸侯不得專封諸侯雖通其仁以義而不與也引之謹案下不得蓋涉上不得而衍唐石經已然案既言非天子不得專封則無庸更言諸侯不得專封且下文言不與者不與其專封也若專封上有不

得二字則與下文不貫矣。

一國之後

且夫玩好在耳目之前而患在一國之後此中知以上乃能慮之引之謹案此論地之大小非論時之遠近也不得云一國之後之後二字蓋後人增之以與耳目之前相對而不知其不可通也耳目之前至小也一國至大也耳目之前得所玩好而一國以亡故曰玩好在耳目之前而患在一國下文獻公亡虢五年而後舉虞則患在一國之謂矣唐石經始衍之後二字新序善謀篇載此事亦云患在一國之後蓋後人據誤本穀梁增之後二字也。

宮之奇諫曰語曰

公遂借道而伐虢宮之奇諫曰晉國之使者其辭卑而幣重必不便於虞虞公弗聽遂受其幣而借之道宮之奇諫曰語曰唇亡則齒寒其斯之謂與挈其妻子以奔曹家大人曰下諫字衍晉國之使者云云宮之奇諫虞公之詞也故終之曰虞公弗聽其語曰唇亡則齒寒云云則宮之奇知虞將亡退而私論也故終之曰挈其妻子以奔曹明前說爲諫其君而後說則否也當爲宮之奇曰不當有諫字蓋因前宮之奇諫曰而衍也五年左傳曰晉侯復假道於虞以伐虢宮之奇諫曰虢虞之表也云云弗聽許晉使此宮之奇諫其君而弗聽也而其下又曰宮之奇以其族行曰虞不臘矣在此行也皆不更舉矣則宮之奇將欲